

洛陽縣志

重修洛陽縣志卷之十九

武進龔松林麀園編次

藝文之八

詩四

七言古

長句
短附

晉

思歸引



石崇

思歸引歸河陽假余翼鴻鶴高飛翔經芒阜濟河梁整我
舊館心悅康清渠激魚傍徨鴈驚汴波羣相將終日周覽
樂無方登雲閣列姬姜拊絲竹叩宮商宴華池酌玉觴

唐

豔情代郭氏荅盧照鄰

駱賓王

迢迢芊路望芝田，眇眇函關恨蜀川。
歸雲已落涪江外，還雁應過洛水廬。
洛水傍連帝城側，帝宅層甍垂鳳翼。
銅駝路上柳千條，金谷園中花幾色。
柳葉園花處處新，洛陽桃李應芳春。
妾向雙流窺石鏡，君住三川守玉人。
此時離別那堪道，此日空牀對芳沼。
芳沼徒遊比目魚，幽徑還生拔心草。
流風回雪儻便娟，驥子魚文實可憐。
擲果河陽君有分，貨酒成都妾亦然。
莫言貧賤無人重，莫言富貴應須種。

綠珠猶得石崇憐飛燕曾經漢王寵良人何處醉縱橫直
如循默守空名倒提新綠成慊慊翻將故劍作平平離前
吉夢成蘭兆別後啼痕上竹生別日分明相約束已取宜
家成誠勗當時擬弄掌中珠豈謂先摧庭際玉悲鳴五里
無人問腸斷三聲誰為續思君欲上望夫臺端居懶聽將
雛曲沈沈落日向山低簷前歸燕竝頭棲抱妻當窻看夕
兔側耳空房聽曉鷄舞蝶臨階祇自舞啼鳥逢人亦助啼
獨坐傷孤枕春來悲更甚峨眉山上月如眉濯錦江中霞
似錦錦字回文欲贈君劍壁層峰自紉紛平江淼淼分清

浦長路悠悠間白雲也知京洛多佳麗也知山岫遙虧蔽
無那短封即疎索不在長情守期契傳聞織女對牽牛相
望重河隔淺流誰分迢迢經兩歲誰能脉脉待三秋情知
唾井終無理情知覆水也難收不復下山能借問更向盧
家字莫愁

寒食還陸渾別業

宋之問

洛陽城裏花如雪陸渾山中今始發旦別河橋楊柳風夕
卧伊川桃李月伊川桃李正芳新寒食山中酒復春野老
不知堯舜力酣歌一曲太平人

龍門應制

同上

宿雨霽氛埃流雲度城闕河堤柳新翠苑樹花先發洛陽
花柳此時濃山水樓臺映幾重羣公拂霧朝翔鳳天子乘
春幸鑿龍鑿龍近出玉城外羽從琳琅擁軒蓋雲罕纔臨
御水橋天衣已入香山會山壁嶄巖斷復連清流澄澈俯
伊川雁塔遙遙綠波上星龕奕奕翠微邊層巒舊長千尋
木遠壑初飛百丈泉綵仗蛺蝶遶香閣下輦登高望河洛
東城宮闕擬昭回南陌溝塍殊綺錯林下天香七寶臺山
中春酒萬年杯微風一起祥花落仙樂初鳴瑞鳥來鳥來

花落紛無已稱觴獻壽烟霞裏歌舞淹留景欲斜石闕猶
駐五雲車鳥旗翼翼留芳草龍騎駸駸暎晚花千乘萬騎
鑾輿出水靜山空嚴警蹕郊外喧喧引看人傾都南望屬
車塵聒聲引颺聞黃道佳氣周迴入紫宸先王定鼎山河
固寶命乘周萬物新吾王不事淫池樂時雨來觀農扈春
洛中晴月送殷四入關

劉希夷

清洛浮橋南渡頭天晶萬里散華洲晴看石瀨光無數曉
入寒潭浸不流微雲一點曙烟起南陌憧憧過行子欲將
此意與君論復道秦關尚千里

長相思

蘇頌題

君不見天津橋下東流水南望龍門北朝市楊柳青青宛
地垂桃紅李白花參差花參差柳堪結此時憶君心斷絕
古意 吳少微

洛陽芳樹向春開洛陽女兒平旦來流車走馬紛相催折
芳瑤花向曲臺曲臺自有千萬行重花累葉間垂楊北林
朝日鏡明光南國微風蘇合香可憐窈窕女不作邯鄲娼
妙舞輕迴拂長袖高歌浩唱發清商歌終舞罷歡無極樂
往悲來長歡息陽春白日不少留紅榮碧樹無顏色碧樹

風花先春度珠簾粉澤無人顧如何年少忽遲暮土見明月與白露明月白露夜已寒香衣錦帶空珊珊今日陽春一妙曲鳳皇樓上與君彈

闕題

見玉臺後集

楊師道

漢家伊洛九重城御路浮橋萬年平桂戶雕梁連綺翼虹梁繡柱映丹楹朝光欲動千門曙麗日初照百花明燕趙蛾眉舊傾國楚宮腰細本傳名二月桑津期結伴三春淇水逐關情蘭蕙有意飛雙蝶柳葉無趣隱啼鶯扇裏細妝將夜並風前獨舞共花榮兩鬟百萬誰論價一笑千金判

是輕不為披圖來侍寢非因主第奉身迎羊車詎畏青門
閉兔月今宵照後庭

和太尉戲贈高陽公

上官儀

薰爐御史出神仙雲鞍羽蓋下芝田紅塵正起浮橋路青
樓遙敞御溝前傾城比態芳菲節絕世相嬌是六年慣是
洛濱要解珮本是河間好數錢翠釵照耀銜雲髮玉步遶
迤動羅袜石榴紋帶輕花轉桃枝綠扇微風發無情拂袂
欲留賓詎恨深潭不可越天津一別九秋長豈若隨聞三
日香南國自然勝掌上東家復是憶王昌

洛陽女兒行

王維

洛陽女兒對門居，纔可容顏十五餘。
良人玉勒乘驄馬，侍女金盤脍鯉魚。
畫閣朱樓盡相望，紅桃綠柳垂簷簷。
向羅幃送上下，香車寶扇迎歸九。
華帳狂夫富貴在，青春意氣驕奢劇。
李倫自憐碧玉親，教舞不惜珊瑚持。
與人春窗曙滅九微火，九微片片飛花璫。
戲罷曾無理曲時，妝成祇是薰香坐。
城中相識盡繁華，日夜經過趙李家。
誰憐越女顏如玉，貧賤江頭自浣紗。

同張員外諲酬荅之作

李頎

洛中高士日沈冥，手自灌園方帶經。
王湛牀頭見周易，長康傳裏好丹青。
鵷冠萬屐無名位，博奕賦詩聊遣意。
清言只到衛家兒，用筆能誇鍾太尉。
東籬二月種蘭蓀，窮巷人稀烏雀喧。
聞道郎官問生事，肯令鬻髮老柴門。

愛敬寺古藤歌

同上

古藤池水盤樹根，左攬右拏龍虎蹲。
橫空直上相陵突，丰茸離纔若無骨。
風雷霹靂連黑枝，人言其下藏妖魑。
空庭落葉乍開合，十月苦寒常倒垂。
憶昨花飛滿空殿，密葉吹香飯僧遍。
南塔雙桐一百尺，相與年年老霜霰。

憶舊遊寄譙郡元參軍

李白

憶昔洛陽董糟邱為余天津橋南造酒樓黃金白璧買歌
笑一醉累月輕王侯海內賢豪青雲客就中與君心莫逆
迴山轉海不作難傾情倒意無所惜我向淮南攀桂枝君
留洛北愁夢思不忍別還相隨相隨迢迢訪仙城三十六
曲水迴紫一溪初入千花明萬壑度盡松風聲銀鞍金絡
倒平地漢東太守來相迎紫陽之真人邀我吹玉笙餐霞
接上動仙樂嘈然宛似鸞鳳鳴袖長管催欲輕舉漢中太
守醉起舞手持錦袍覆我身我醉橫眠枕其股當筵意氣

凌九霄星離雨散不終朝分飛楚關山水遙余既還出尋
故巢君亦歸家渡渭橋君家嚴君勇貌虎作尹并州遇戎
虜五月相呼度太行摧輪不道羊腸苦行來北京歲月深
感君貴義輕黃金瓊杯綺食青玉案使我醉飽無歸心時
時出向城西曲晉祠流水如碧玉浮舟弄水簫鼓鳴微波
龍鱗莎草綠興來携妓恣經過其若楊花似雪何紅粧欲
醉宜斜日百尺清潭寫翠娥翠娥嬋娟初月輝美人更唱
舞羅衣清風吹歌入空去歌曲自繞行雲飛此時行樂難
再遇西遊因獻長楊賦北闕青雲不可期東山白首還歸

去渭橋南頭一遇君，鄴臺之北又離羣。
問余別恨知多少，落花春暮爭紛紛。
言亦不可盡，情亦不可極。
呼兒長跪緘此辭，寄君千里遙相憶。

扶風豪士歌

同上

洛陽三月飛胡沙，洛陽城中人怨嗟。
天津流水波赤血，白骨相撐如亂麻。
我亦東奔向吳國，浮雲四塞道路賒。
東方日出啼早鴉，城門人開掃落花。
梧桐楊柳拂金井，來醉扶風豪士家。
扶風豪士天下奇，意氣相傾山可依。
人不倚將軍勢，飲酒豈顧尚書期。
雕盤綺食會衆客，吳歌趙舞香

風吹原嘗春陵六國時開心寫意君所知堂中各有三千
士明日報思知是誰撫長劍一揚眉清水白石何離離脫
吾帽向君笑飲君酒為君吟張良未逐赤松去橋邊黃石
知我心

同河南李少尹畢員外宅夜飲時洛陽告捷遂作春

酒歌

高適

故人美酒勝濁醪故人清詞合風騷長歌滿酌惟吾曹高
談正可揮塵毛半醉忽然持蟹螯洛陽告捷傾前後武侯
腰間印如斗郎官無事時飲酒杯中綠蟻吹轉來甕上飛

花拂還有前年持節將楚兵去年留司在東京今年復拜
二千石盛夏五月西南行彭門劍門蜀山裏昨逢軍人劫
奪我到家但見妻與子賴得飲君春酒數十杯不然令我
愁欲死

雜言送黎六郎

韋應物

冰壺見底未爲清少年如玉有詩名聞話嵩峰多野寺不
嫌黃綬向陽城朱門嚴訓朝辭去騎出東郊滿飛絮河南
庭下拜府君陽城歸路山氛氲山氛氲長不見釣臺水淥
荷已生少姨廟寒花始徧縣閭吏傲與塵隔移竹流泉常